

ingskostnað og verður því Dyrhólahreppur ekki skyldaður til að greiða þessa upphæð. **72**

18. júlí

8. Þá vill Dyrhólahreppur fá eptirgefið af styrk þeim, er Einari var veittur á tímabilinu frá 13. júní til 29. júní, 20 kr., þaræð óþarflega mikið hafi verið eytt í fatnað handa þurfamanninum og fjölskyldu hans, en þessi mótmæli virðast eptir atvikum ástæðulaus.

Samkvæmt framansögðu á að draga frá reikningsupphæðinni 12,00 + 30,00 + 6,12 + 1,00 + 0,33 + 29,48 = kr. 78,93, en eptirstöðvarnar 473 kr. 38 au. ber Dyrhólahreppi að greiða.

Það skal loks tekið fram, að eptir upplýsingum þeim, sem liggja fyrir í málinu, er ekkert að athuga við aðsjónargjörð þá, er gjörð var hjá Einari áður en styrkurinn var veittur í fyrstu og oddviti Geithellnahrepps hefir einnig gjört nægilega grein fyrir því, hvers vegna Einar var eigi fluttur á sveit sína fyr en gjört var.

Jafnframt því að gefa yður þetta til vitundar til frekari birtingar fyrir hreppsnefnd Dyrhólahrepps hins forna, felur stjórnarráðið yður að sjá um, að tjeð hreppsnefnd greiði Geithellnahreppi án dráttar þann hluta hinnar úrskurðuðu upphæðar, sem enn er ógreiddur.

Brjef stjórnarráðsins til biskups um embættislán handa Kálfa-tjarnarprestakalli. **73**

27. júlí

Samkvæmt tillögum yðar, háæruverðugi herra, í brjefi, dagsettu 19. þ. m., og beiðni hlutadeiganda, veitir stjórnarráðið samþykki sitt til þess að presturinn að Kálfatjörn, síra Árni Þorsteinsson, taki uppá prestakallið 300 kr. embættislán til þess að endurreisa og bæta heyhlöðu á prestssetrinu á þann hátt, er gjört er ráð fyrir í erindi hans, sem fylgdi brjefi yðar. Samþykki þetta er þó þeim skilyrðum bundið, að lánið, sem eigi fæst úr landssjóði, verði fengið með sem vægustum vaxtakjörum, og að það verði endurborgað á næstu 10 árum, auk vaxta, með 15 kr. árlegri afborgun 5 fyrstu árin, meðan lán, sem nú hvílir á prestakallinu er eigi að fullu borgað, en síðan með 45 kr. árlegri afborgun, unz því er lokið.

Þetta er yður hjermeð til vitundar gefið yður til leiðbeiningar og til frekari birtingar.

Brjef stjórnarráðsins til sýslumannsins í Mýra- og Borgarfjarðarsýslu um skilning á orðunum „fast aðsetur“ í lögum 9. ágúst 1889. **74**

17. ágúst

Með brjefi, dags. 6. f. m., hafið þjer, herra sýslumaður, samkvæmt til-mælum hreppsnefndarinnar í Hvítársíðuhreppi, leitað álits stjórnarráðsins um það, hvort nefndinni hafi verið heimilt samkvæmt lögum að leggja aukauktvar á Jón Ólafsson smið frá Kaðalstöðum í Stafholtstungnahreppi síðastliðið haust, en af

74 skjölum þeim, er fylgdu tjeðu brjefi yðar, sjest að Jón þessi hafði, frá því í marz-17. ágústmánuði f. á. og þangað til nefndin lagði útsvarið á hann í síðastliðnum októbermánuði, haft vinnu í Kalmannstungu í Hvitársíðuhreppi sem yfirsmiður við húsbýgging og að hreppsnefndin hefir því talið hann hafa haft þar fast aðsetur, er samkvæmt lögum frá 9. ágúst 1889 um viðauka við lög 9. janúar 1880 um breyting á tilskipun um sveitarstjórn á Íslandi 4. maí 1872 heimilaði henni að leggja á hann útsvar, þó að hann, einsog nefndinni var kunnugt, ætti lögheimili í Stafholtstungnahreppi.

Útaf þessu skal yður hjermeð til vitundar gefið til frekari birtingar fyrir hreppsnefndinni í Hvitársíðuhreppi, að stjórnarráðið verður að vera yður samdóma um það, að ákvæði tjeðra laga beri að skilja þannig, að menn geti eigi talizt hafa fast aðsetur í hreppi þar sem þeir leita sjer bráðabirgðaatvinnu, þótt dvölin verði þar lengri en 4 mánuðir, ef þeir eiga lögheimili í öðrum hreppi, sbr. brjef landsh. dags. 29. des. 1896 (Stj.tíð. B. 1896, bls. 230), og samkvæmt þessu hefir hreppsnefnd Hvitársíðuhrepps eigi haft heimild til að leggja útsvarið á Jón Ólafsson, en jafnframt skal tekið fram, að úrslit máls þessa heyra undir dómstólana.

75

1. sept.

Reglugjörð

um

fyrirkomulag og samning skýrslna um alidýrasjúkdóma.

Samkvæmt fyrirmælum 2. greinar laga nr. 21. frá 20. október 1905 er eptirrituð reglugjörð sett.

1. gr.

Hreppstjórar skulu semja árlega skýrslu eptir fyrirmynd þeirri, sem prentuð er hjer á eptir, yfir sjúkdóma, sem komið hafa í alidýr í hreppnum á skýrsluárinu. Samskonar skýrslu skulu bæjarfógetar semja fyrir kaupstaðina.

Skýrsluárið telst frá 1. júní til 31. maí. Til skýrslnanna skal safnað á vorhreppskilum.

Skýrslur hreppstjóra skulu vera komnar til sýslumanna fyrir lok júnímánaðar; semja sýslumenn síðan yfirlit yfir alidýrasjúkdóma í hverri sýslu og senda stjórnarráðinu innan loka ágúsmánaðar, ásamt skýrslum hreppstjóra sem fylgiskjölum. Innan sama tíma senda bæjarfógetar skýrslur sínar stjórnarráðinu.

2. gr.

Þeir, sem alidýr eiga eða hafa undir höndum, skulu svo sem þeir framast vita, skýra á vorhreppskilum ár hvert hreppstjóra sínum, í kaupstöðum bæjarfógeta, frá þeim sjúkdómum, sem komið hafa á skýrsluárinu í alidýr þeirra, og